

廣東省地方史志辦公室 輯

廣東歷代方志集成

廉州府部〔六〕〔民國〕合浦縣志

廣南書局出版

廣東省地方史志辦公室輯

廣東歷代方志集成

廉州府部〔六〕

嶺南美術出版社

目錄

卷首	
序文	一
歷修姓名	一三
職名	一七
目次	一九
凡例	二三
地圖	二五
卷一	
輿地志	沿革 形勝 境界 附面積分野
山脉	河流 氣候 附風颶潮 戶口 附人種
地方志	團局 鄉都 水利 附珠池
建置志	城池 壇廟 廨署 倉儲 善堂
坊表	墟市 津梁 書院 炮臺 塔
	九七

卷二	
經政志一	田賦 鹽法 軍備（兵制）
	一二七
卷三	
經政志二	海防 教育 自治
	二四三
禮俗志	祀典 褒揚 風俗 方言 寺觀
教會	
	二七九
職官志一	文職
	三三一
卷四	
職官志二	武職 政職 附遷謫
	三九九
選舉志	列表
	四三七
卷五	
實業志	農業 蠶（桑）業 工業 商業
漁業	獵業 牧業 物產（農會 商會）
	四七三
交通志	陸路 航路 郵政 電信 驛遞
	四八七
人物志	鄉賢 列女 耆壽 附仙釋
	四九三

合浦縣志序

民紀庚午之秋國器奉命歸宰鄉邑瀕行陳省主席饒樞相語曰邑志失修多歷年所事關桑梓之掌故子其有意於斯乎逮履任查考民紀乙卯陸鎮守使世儒陸麟知事杏林關志局纂修委員分區採訪乃訪稿甫就緒而政爭迭作兵亂相尋諸市政城四鄉亦遭匪躡泯焚不戢志事因以中輟迄今十有五載原有之合纂員採訪員物故大半爰求曾與志事者得劉前局長潤綱許前分纂瑞璽任以編輯懷鉛提筆逾一歲而書成夫廉郡鄰接交夷扼兩廣西路邊樞亦粵東南路重鎮海岸綫交通便利合浦實附郭焉累朝夷氛寇禍山海兼防當局學董經營陳迹具存謀猷堪溯雖新編縣志屬於一邑範圍第上下相制前後相承道府鎮將之理民整軍不可不備登方策道光間張太守育少雲春續修府志訖於壬辰精博詳覈蔚然承明著作之才計至宣統辛亥相去垂八十祀此時事之遽變制度之損益殆更僕難數同光間凌明經漢林明經梅輝皆相繼修縣志未卒厥業所遺鈔本年湮月久悉付覃中旁蠹致數十寒暑之事迹幾同杞宋無徵今自道光壬辰而上取張志所記載者臚列於前以傳高文典冊道光癸巳而降則就存留之訪稿彙廣摭私家之著述折衷參訂斷於確當分類凡十有四目爲書凡十有六卷舉土地人民之廣眾典章政教之昭垂治亂得失之流傳名物象數之繁賾旁及軼聞舊事爲志乘所應載者悉弗網羅而紀述之洪纖並錄本未胥賅然則此志告成固足以考見吾鄉之歷史而斯文所在經編者鈎稽稽拾竟從前未竟之功揆諸抱遺訂堅之初衷其亦可以不負與哉在元默沿灘將付剞劂乃敘其原委於簡端

中華民國二十有一年春二月廖國器雲程書於合浦縣政府邸

廣東歷代方志集成

合浦縣志卷首

序

合浦縣誌序

圖治之方，有關邑乘，非徒藉以考古蹟，徵文獻已也；將以熟悉山川、物產、人情、習尚，得以鑒往知來，因俗施教，故誌書有裨於政治非淺。余於辛巳季夏，攝篆合浦，即留意於此。惟邑中無縣誌，祇有府志，府志成於道光間，至今相距垂八十餘載。縣志編纂凡二次，一纂於清同光間，再纂於民紀初元，均未竟厥業。十八年，邑人廖君雲程，權縣篆，聘劉維三許甘譜兩先生，任以編纂之事。操觚染翰，聚精會神，越一寒暑而書成。祇以經費缺乏，久未付梓，邑中人士，企望甚殷，余因商請第八區行區督察專員鄧公益能，召集原編纂許甘譜及清原生王達元諸先生會議，墊款付諸剞劂，於是十年積壓之稿，至今乃印刷竣工。後之官斯土者，手此一編，一為展卷，於地方人文政事，瞭然胸中，竭其力之所可為，而勉其職之所當盡，則是書之裨益為無既矣。

中華民國三十一年 十一月 十日

合浦縣縣長 蘇萍生 識

廣東歷代方志集成

合浦縣志卷首

序

合浦縣志卷首

附歷修廉州府志原序及其姓名

何序

廉郡久闕志余往東鐸珠官時則當與東厓巫學博編之已而不果丙午丁未間前守鹿厓胡公又編之而亦不果今余代胡爲廉守卒成厥役蓋自己亥迄今十有七年追思此十一年中天時人事幾經嬗更而余自寒旣以膠庠方面在廉不爲不久居然一廉陽者舊矣夫國有史郡有志今之郡古之國也今之郡志古之國史也國而不錄其疆域沿革政事風俗機祥賦役之實是無國也郡亦如之故聯其條貫合其表裏整齊其傳次旁搜博採由前證後而廉志以成攷廉自秦置吏以來稱爲舊封前代未必無志要以屢經離亂失之國朝承平日久聲教四訖而亦闕於志何耶竊嘗論之夫民必資財以生財非農與商無出也廉土瘠薄又糞耘不力潛防不設諄憐農者無逾於廉且宣德以前安南爲郡縣凡富商大賈之走安南者以飲廉爲水陸總匯而貿遷有無者衆矣自安南棄而此爲極邊貨財不通商賈不至民第藉薄產之所入而別無營生所贏幾何庠序者儲才之地遠徵士子不識經史爲何物其於聖賢大義微言古今成敗得失遑乎其未之聞古人富而後教民貧甚矣教於何有不富不教無以爲國蒞斯土者視一官如傳舍恨去之惟恐不速誰是留心掌故彙輯成書爲一郡信史哉所以因循觀望歷我朝一百八十餘年而志未修職此之故惟余竊祿於廉最久誼無敢辭用不揣固陋始之以世紀彷彿年法也終之以外紀外而夷之也附三氣於天文併墟市於地理總名制於職官忠孝彙於鄉賢罪放別於流寓詩文之無關繫者芟之條奏之有裨經濟者錄之書成以語同事曰嗚呼是冊也特紙上空言耳諸君其知余志乎人謂走馬武思之間有陸路焉鑿而闕之僅三里許會於香江則兩廣百貨皆得航入於廣廉可使富也山林川澤大興陂塘俾民旱澇無憂延名宿選俊彥開館郡城優給膏火三年必當有成夫然獲使瘴雨蠻煙之營頓聞生面奈何人窮財絀心與力違未果也諸同事曰天下勢而已矣事之所當爲而勢不能姑存其說

焉可也功何必自己出名何必自己居第就志言志是則秉筆者之事也余聞之而憬然悟恍然失因書之簡端以見廉之所以爲廉余自司鐸歷郡守夙夜念此至熟也作者其有憂患乎後之覽者鑒諸嘉靖三十四年乙卯廉州府知府閩中福清何御撰

徐序

郡縣有志可不出戶庭而周知四邊之故一切興革之宜張弛之用藉以審時識變無所處而不得其當且以寓褒貶彰善惡使人心知所感奮風俗賴以維持其在是乎廉郡僻在邊海自明季迄國初海氛未靖伏莽時驚民之淪於兵火者靡有孑遺康熙六年歲丁未予奉命守廉始至之日所見者荒煙蔓草所接者鳩形鵠面所謂非人非鬼之地亦自訝此身之胡爲乎來也已酉錄童子試每屬家數人或十餘人所謂操觚講藝者類皆椎髻跣足語以志書皆茫然不識爲何物有老生揖余而言曰廉人轉徙流離閱十餘年惴惴莫保朝夕今一二遺黎幸延殘喘書籍蕩然安知有志余聞之不覺淚涔涔下憐遐荒邊地不獲蚤沾聖化以至斯極繼思秦火之後未嘗無書惟河間獻王好古搜羅故聚書最多豈舊志終不可得耶因檄州縣遍訪部(章)屋窮簷但有藏本無論全缺許酬厚貲如是三年卒無應者越壬子春奉部牒纂修一統志諸上官徵志甚亟復力督各屬懸重賞購之又焚香祝天曰廉之山川有靈氣運當開文獻其必有徵也如是者又幾匝歲冬十一月有馮紹齡者爲歙江老貢生逡巡抱殘篇以進曰是卽非耶余受而讀之首卷盡亡其半餘缺一二章或二三行者細驗題識歲月乃前明崇禎九年兵備參謀張公國經郡守鄭公抱素輯本也叩所從來云得自山家土窖中余且喜且悲爰與司馬田益齋及牧令學博儒生校正魚豕或字句磨漫不可讀每以意逆三閱月而脫藁常與諸同事往復討論雖夜漏滴催晨鐘料動未輟也大約明崇禎以前多屬舊錄今則創興伊始訪查未備旁搜廣攬願俟後賢諸同事請悉其端委以弁其書從眾論也惟是舊志亡而復存絕而仍續是則庸之厚幸也夫康熙十二年癸丑廉州府知府三韓徐化民撰

田序

嘗讀左氏外傳彷彿十五國風意之所至則言及之劉子政以爲優於內傳取其言之簡也若夫當必欲求詳之日處不得不略之勢而故老之傳述稗史少旁蒐致多闕略則第師外傳之遺意焉可耳廬州爲古合浦名郡孟太守之清風可挹馬伏波之遺蹟猶存謂必有篇年紀事藏名山而傳後人者乃遭灰燼之餘者不可得可勝悼哉太守徐公下車慨然以復古爲己任睹其經營觀畫自廢俱興數年衆城郭人民煥然改觀余固知太守早已胸羅廉陽一部全志故措置井井有條特以爲弔古訪遺俾往蹟弗泯沒於荒煙蔓草中以昭示來茲是則繼起者之責也今輯一統全書而廉志獨闕乃每夜焚香祝天以求其精神所格卒得殘編於欽江老生爰集諸儒增損成帙而鍾雨亦時附管窺繼以裏事體體日營營於鳩工庀材而校讐之役未竣書成郵寄旅次余披圖展卷覺一郡之兵農禮樂治亂興衰山峙水流如歷歷在目若夫鼎新後傳聞異辭者尤必詳加考訂疑信相參者甯慎毋濫往往缺而弗書斯亦意之所至則言及之君子不病其闕而弗詳也康熙十二年癸丑二月廬州府同知楚北公安田鍾雨撰

王序

廉處粵東極邊明季屢遭兵燹人民流散地方凋敝康熙丁未三韓徐君化民來守是邦慨然思所興復而首求志書二年弗獲會壬子纂修一統志檄取郡縣志書惟廉獨無考徐君叩天默禱多方購求乃得殘篇於欽江爰是因文訪獻參互考訂越明年癸丑而郡志成嗚呼徐君之用心亦良苦矣值哀鴻甫集草昧初開時雖備極搜羅安能詳盡昔國僑之爲命也必由草創討論修飾以收潤色之功何況一郡之志即一郡之史書也豈不冀後人嗣而修之用垂不朽哉己亥歲金州徐君成棟蒞任勤政事恤民隱自公退食披覽舊篇常捲卷嘆曰廉志自癸丑典修屈指四十九年繼者寥寥將來遺帙散失勢必若壬子以前求土窖中故物圖不得悲夫用集僚屬聘博雅取舊志之確然足信者存之採四十九年所未編者補之列卷下有四集分爲十二志

咸問序於余余展卷讀之自星野垂藝文類分義別增補闕佚簡括老成較前志爲明備夫莫爲之前雖美勿彰莫爲之後雖盛勿傳是書也蒐輯於前而補輯於後皆二徐之有造於廉也詎不偉歟獨是廉嚴郡也山陬海筮水勢一地界交廣膺十里生民之寄者籌教養以衛封疆尚當按圖考籍酌古宜今庶循良之績迥異俗吏之爲是則余之所厚望也夫因書以歸之康熙六十年壬寅四月廣東布政使司長白王朝恩撰

徐序

今天下事書一統聲教四訖蒸蒸然徧遐陬而督撫大吏於邊疆重地尤必周察民隱勤求吏治相地設險防患未萌孜孜於己治己安罔敢或怠余以菲材擢叨今職履任以來思五廉爲粵東極邊郡負山瀕海內雖犴獮外控安南延袤千有餘里戶口其盈甯歟賦役其均乎鉅殖產其蕃育歟關隘其寬隘歟且也瞻厠橫茂之風何以使之常敦古風聲明文物之盛何以使之漸被遐陬蠻貊殊方異俗之徒何以使之革心向化夙夜念此未遑也然求協人情宜土俗異疆宇惟微諸位牒則前事之師也迺繕問郡志率多殘闕且自兵燹以來歷今數十年曾未一爲補訂倘終於傳訛發謬無以成信史昭示來茲是又守土者所滋懼也爰博諮故老搜羅卷牘巡歷所至凡有見聞隨筆記之商誦同事採輯入帙積日既久彙集成書釐爲十四卷分爲十二集質之大方伯王公公稱完善弁以序言而命付之梓是役也始於庚子初冬迄於辛丑仲秋書成余掩卷而思所以安內攘外酬大吏以報國恩者究茫無所據則又不覺慙然自慙矣康熙六十年辛丑五月廉州府知府徐成棟撰

孫序

嘗聞復天卦位艮居東北山之所起也先天卦位兌居東南澤之所潛也廉郡東北枕山西面瀕海爲粵東極邊是以天地盛大流行之氣獨後至焉遲至而後發勢也亦理也廉州上古爲荒服秦世猶爲外藩漢元鼎間版圖始入中國方是時蠻俚之習未除卉服之風未改持章縫而適茲無所用也魏晉以後中原多故衣冠之族多徙於此或宦或商居此土而不去於以用夏變

夷薰陶漸染月異歲新迺駁乎躋漢官威儀矣迨國朝文教覃敷海隅日出莫不結誦相聞况廉陽久爲郡縣者乎第亂離後文獻無徵其間吏治之因革學校之盛衰建置之興廢以及秩官選舉人物俱渺焉無稽何以爲此太守胡蒼徐公將取壬子迄今五十其（云旁）略所缺者重修而論定之辛丑之夏煮適以佐郡來廉幸窺金豹齋測所及問參未讎蓋聞志者志也尼父曰吾志在春秋夫春秋魯史也夫子假二百四十二年兩面之權筆削爲經褒善貶惡夫子之志見矣廉志何志亦惟褒善貶惡而已蓋貶既明則興利除弊善俗維風廉其一變而至於道矣將見山海極邊所謂天地盛大流行之氣其遲至而後發者必媲美於先至勃發之邦揆諸理不其然歟康熙六十年辛丑九月廉州府同知浙江嘉興孫煮撰

周序

廉郡僻在粵東之極南於十府二州中最高爲磽瘠又外接交夷內錯山海鮮學士文人之游息無富商大賈之轉輸以故士多推魯民安樸陋依古爲然明季又疊罹兵燹彌增寥落文獻無徵而府志闕如康熙癸丑得殘篇於飲江土窖中始修於三韓徐公歷四十九年復修於金州徐公然炎嶠荒服考訂乏成書商確無博雅類多因仍苟簡閱今三十餘年大都視爲不急之務而補遺正誤訖未有人余謂郡邑之志爲信史權輿所以垂經緯規風化昭人紀明利弊示勸懲典至鉅也而修志於廉爲尤難蓋地臨極邊日語東南中外之防莫要於此官斯土者攷關塞之險夷何以安內而攘外思民生之彫瘵何以附循而煦嫗念人文之弁（云旁）陋何以振敝圖起衰余自奉守是邦荏苒四載夙興夜寐意念深矣諸凡見聞咸錄座右日久盈牒彙集成編自星野至藝文類分義別增補缺佚雖出自一手殊恐恇慙然私心竊擬一準理法以期傳信而要皆四年中馳驅閱歷五夜挑燈本諸舊志參以新增斟酌於鉛槧經營於胸臆匪朝夕而後成之者也古人有言曰及之而後知履之而後難余用是益知守土之難而喜愧交言之無補也及讀何太守原序有曰姑存異說焉可也功何必自己出名何必自己居又不禁爽然自失矣後之閱是編者處華夷錯雜之衝撫土瘠民貧之地慨然思所以稱其職守宜整飭不宜懈逸宜鎮靜不宜紛擾躬節儉顧梗課農桑

興學校書損上母損下甯便民母便官則庶幾乎澤被矣迨則開生面若後曰一方之文獻在是猶不過刀筆筐篋之末而已矣豈汲汲於輯是編之初心也哉乾隆二十年歲在乙亥仲春二月知廉州府事楚南長沙瀋甯周碩勳謹序

張序

廉州古南越地自秦漢置郡迄今兩濡漸染聲明文物之盛媲美中朝巋然東南一大都會也郡有志不知昉自何時宋以前無可考今所存者明嘉靖間郡守何公御志序一篇明末兵燹志亡國朝康熙初年郡守徐公化民檄所部懸賞購之三年無應者迺獨潔告廟禱祀以求之最後有欽州貢生於山家土窖中得殘編以進乃前明崇貞九年兵備參議張公國經郡守鄭公抱素輯本於是重加修輯留貽以至於今蓋一邦文獻之所繫神靈呵護之所存賢太守精誠之所格非偶然也康熙六十年郡守徐公成棟重修一次至乾隆廿一年乙亥長沙周公碩勳領郡大加纂輯三年而復成最爲明備蓋其居官能殫心政教海防邊隘所在周歷徧覽悉其形勢扼要上書大府疊疊數千言尤著意農田水利立懇開播種疏濬諸法繪水車圖論說精詳如田家父老之經其廬室井里諄諄然訓勗其子弟以期綿樂利於無疆茲成筆之於書以昭示來許故其書本末賅舉治具畢舉卓然經世有用之書非徒一時紀載之爲也顧自乙亥至今書闕有間又七十餘年其間相繼典郡者有陳中丞望之康中丞茂園宋侍郎悅菴楊中丞剛亭何觀察燧齋皆承明著作之才議修未果先後遷顯秩去道光丁亥育（士旁）春奉命守廉志書患（世旁）漫殘缺板朽蝕過半七十年之事紀載缺如從紳士請開局纂修閱五年告成夫志者史之流以體例言之不但志與史異即志與志亦不能從同如省志視一統志加詳郡邑志視省志又遽而加詳固不然規規然仿而爲之攷前人著作如羅端良陳壽老康對山陸稼書諸公皆以志乘之學專門名家而前後亦各不相師大抵記事纂言操觚之士富於典籍明於體例者優爲之若守土之官掌一方政令關斯人休戚遠宗近守上下古今慨然有其量百世之思因而綜政治之樞要勒成一書以垂世立教則必有異乎人之爲之者春不敏誠不足以語此然爾芳規具在往事當師頻年以來耳目之所聞見心思之所運籌又

承當不竭其一得之愚以從事於斯而不敢委爲異人任也至若涉獵採訪正山川之謠誤考經制之廢興察沉淪之懿軌退而
稽者載籍援古證今闡爲論說使東筆者得所依據以續成一郡之書則郡邑賢士大夫實爲之道光十三年癸巳秋月知府張
育（土旁）春序

廣東歷代方志集成

合浦縣志卷首

府志序

歷修廉州府志姓名

明嘉靖三十四年乙卯創修

廉州府知府何 御 福清

廉州府知府邢 正 宜山

合浦縣知縣胡濟世 泰和

宜山縣縣丞朱 無錫

貢 生林 采 莆田

明崇禎九年丙子校刊

海 北 道張國經 漳浦

清康熙十二年癸丑重修

廉州府知府徐化民 三韓

欽州知州 董簡性 洛陽

宜山縣知縣林長存 羅遠

欽州學正 方 路(水旁) 番禺

宜山縣訓導王維輔 會同

康熙六十年辛丑校刊

廉州府知府徐成棟 金州

廉州府知府胡 堯 泥陵

廉州府同知陳 瀚 秀水

欽州知州 鄧以和 潮陽

貢 生莫 木 福清

廉州府知府鄭抱素 潮陽

廉州府同知田鍾雨 嘉善

合浦縣知縣游名柱 臨川

廉州府教授尹自選 南甯

合浦縣訓導黃河源 同德

廉州府同知孫 煮 嘉興